



San Martín de Suarna – San Martín de Suarna (San Martín) – A Fonsagrada, 1979-12

Informante: Florencio López Fernández, “o Cego dos Vilares” (65)

Compiladora: Dorothé Schubarth

Transcripción: Dorothé Schubarth e Antón Santamarina

IV 66

Escúiten señores todos
o que pasou hai medio ano:
Ese curiña de Freixo,
á Encarnación do Carballo.

A Encarnación do Carballo
xa perdiche o casamento
todo o público se ríe
o cura está ben contento.

E chegou a Filomena
que viña de sembrar millo,
e encontrou ós dous na cama
como muller e marido.

E díxolle a Filomena:
“Vosoutros que andais facendo?”
“Rompéuseme a sotana
támoslle poñendo un mendo”

E díxolle a Encarnación:
“Señor cura eu pensei
que vosté non era xastre
pero agora xa o sei.”

E díxolle o señor cura:
“Somos dous anoviciados,
que aí á muller de Nicasio
tamén lle eu untei os tarros.”

Adiós, curiña de Freixo,
modistas de Vilanova,
que marchando señor cura
non volveis a vela ronda.